

Bosna i Hercegovina
Federacija Bosne i Hercegovine
Srednjobosanski kanton
OPĆINA GORNJI VAKUF – USKOPLJE
OPĆINSKO VIJEĆE

Broj: 01-04.1- /21
Datum, 22.11.2021.godine

Z A P I S N I K

sa 8. sjednice VI saziva Općinskog vijeća općine Gornji Vakuf – Uskoplje, održane 11. novembra 2021. godine u Velikoj sali Općine Gornji Vakuf - Uskoplje, sa početkom u 10⁰⁰ sati.

Sjednici su prisustvovali izabrani vijećnici Općinskog vijeća, Općinski načelnik Čaušević Sead, Sekretar općine Prijić Senad, Pomoćnici načelnika Milić Nikola, Matijanić Branko, Milanović Adnan, Šain Branko, Šišić Suad, RTV Bugojno.

Sekretar općine Prijić Senad, je izvršio prozivku prisutnih vijećnika, tako da je na sjednici bio prisutan 21 vijećnik i to: Karahodžić Alisa, Duratbegović Nijaz, Milanović Emir, Zahirović Armin, Duvnjak Majda, Brzika Amra, Šupčić Nesib, Muminović Elma - SDA, Krajina Marinko, Posavac Ivo, Batinić Goran, Novaković Marin, Jurina Danijela, Jurleta Franjo, Žuljević Ivica – vijećnici Hrvatske liste HDZ BiH, HDZ 1990, HSP BiH i HSS Stjepan Radić, Gekić Edin (došao u 10⁰³), Karamustafić Naser (otišao sa sjednice u 10¹³), Hajrić Amel, Crnica Kenan - BH Blok, Abazović Muris-SBB, Novaković Ana- nezavisna vijećnica, Lelak Selvedin - nezavisni vijećnik

Odsutan Kičin Kadir - BH Blok

Batinić G.-predsjednik OV-a

- Dajem na glasanje predloženi

DNEVNI RED:

1. Vijećnička pitanja
2. Usvajanje Zapisnika sa 7.sjednice Općinskog vijeća Gornji Vakuf-Uskoplje
3. Izvještaj o izvršenju budžeta Općine Gornji Vakuf-Uskoplje za period od 01.01. do 30.09.2021.godine
4. Nacrt Budžeta Općine Gornji Vakuf-Uskoplje za 2022.godinu
5. Nacrt Odluke o izvršenju budžeta Općine Gornji Vakuf-Uskoplje za 2022.godinu
6. Informacija o funkcioniranju mjesnih zajednica u Općine Gornji Vakuf-Uskoplje u 2021.god.
7. Informacija o stanju sporta i kulture na području Općine Gornji Vakuf – Uskoplje
8. Informacija o stanju u oblasti prostornog planiranja i građenja na području Općine Gornji Vakuf-Uskoplje za 2020.god.
9. Prijedlog Odluke o visini zakupnine stambenih jedinica izgrađenih u okviru Projekta „Regionalni stambeni program RSP – Pod-projekat BH 6“

Predloženi Dnevni red usvojen jednoglasno sa (21 «za»)

Ad. 1.

Vijećnička pitanja

Odgovori i Nova vijećnička pitanja:

Naser Karamustafić - SDP BiH

1. Zašto nije objavljen konkurs za stalni Upravni odbor JU Dom zdravlja i ako znamo da su prošle sve zakonske procedure tj. istekao je mandat od 3 mjeseca na koji je privremeni bio izabran ?
2. Kada će doći do sanacije oborinskih voda u ulici „ Mali Dun“?
3. Kada će općinske službe i menadžment JU za sport i kulturu obezbijediti mjesta na tribinama za invalide i paraplegičare i ako je to predviđeno zakonom od 2011.godine?

Armin Zahirović - SDA

1. Tražim informaciju od nadležne Općinske službe kao i od Policijske stanice Gornji Vakuf-Uskoplje o motociklima koja prolaze kroz naseljena mjesta bez registarskih oznaka , kao i motocikla koja se kreću po privatnim poljoprivrednim posjedima, te iste djelomično uništavaju. Rješenje problema : tačno definisane rute javne površine koje bi motocikli mogli koristiti.
2. Drago mi je da je Općina prepoznala problem oborinskih voda u zaseoku Tolovići MZ Grnica i ugradnjom segmentnog kanala riješila taj problem , te se mještani pitaju da li se može u skorije vrijeme postaviti i asfaltna podloga u tom zaseoku ?

Amel Hajrić - SDP

- Zadovoljan sam odgovorima koje sam dobio na postavljena vijećnička pitanja sa prošle sjednice
1. U selu Seferovci MZ Bojska mještani imaju problema sa propustom za vodu tj. na putu koji vodi prema selima Grižići i Brutci. Obzirom da je savjet Mjesne zajednice već poslao dopis da se isti problem sanira. Pa mještane zanima kada će doći do saniranja propusta?
 2. Od sela Mehići do sela Mujići MZ Bojska kiša je orunila dio puta što prijeti lomljenju postojećeg asfaltna pa mještani apeliraju da se to sanira prije snijega-zime. Jer kako kažu prilikom nailaska težeg vozila može doći do lomljenja postojećeg asfaltna.
 3. Zašto se nije uradio lokalni put Bojska-Lužani i da li će se taj put popravljati-rekonstruisati ?
 4. Mještani sela Lužani pitaju kada će se dovršiti asfaltiranje prema Lužanima , ostalo je još nekih 900 metara.

Ana Novaković - nezavisni vijećnik

1. Tko je odgovoran za produžetak mandata sada već nelegalnog upravnog odbora JU Dom zdravlja Gornji Vakuf-Uskoplje, jer je istom istekao mandat 17.09.2021.god.!? (koji imenuje Općinsko vijeće). Po službenim novinama Federacije BiH i po Službenom Glasniku općine Gornji Vakuf-Uskoplje Br. 01-04.2-82/21 privremeni Upravni odbor je imenovan u skladu sa zakonom na najviše tri mjeseca?!! i ne može se ponoviti ! Po Federalnom Zakonu i sadašnjem Statutu Dom zdravlja Gornji Vakuf-Uskoplje Upravni odbor može imati isključivo 3 člana:
 - ispred osnivača 1 član
 - ispred kantonalnog ministarstva 1 član
 - ispred uposlenih 1 član.
2. Po mojim informacijama; nelegalni Upravni odbor JU Dom zdravlja Gornji Vakuf-Uskoplje donosi nelegalne odluke, nelegalno sebi povećavaju paušale i idu u nelegalne osvetničke pohode usmjerene protiv pojedinaca.

Marinko Krajina - HDZ BiH

1. Da li je zajedničko OJP pravobraniteljstvo brisano iz sudskog registra pravnih subjekata ? Da li su financijska sredstva koja su bila na računu vraćena osnivačima ?

Kenan Crnica - BH Blok

- S obzirom da ja jedini nisam dobio odgovor na postavljeno pitanje od prošle sjednice ponovit ću pitanje.
 - Želim da kažem da postavljena vijećnička pitanja nisu samo moja nego su pitanja običnih građana, zato bih vas zamolio da zbog neke pristojnosti ili zahvalnosti prema tim građanima odgovorite sljedeći put
1. Zašto nisu skinute i uklonjene zastave tzv. Herceg Bosne koje predstavljaju provokaciju čiji je cilj podizanje međunacionalne netrpeljivosti ?
 2. Kada i kako se planira riješiti ilegalno vožnje kros motora lokalnim putevima i prirodnim ljepotama naše općine ?
 3. Da li se može dobiti uvid u pojedinačne račune sa koda 614.116 tekući transferi općinama-Mjesne zajednice ?

Krajina M.-HL

- Ja bih preformulisao ovo pitanje koje je postavio g-din Crnica; Zašto se ne uklone sve zastave sa komunalnih objekata
- Pitao bih nadležnu Općinsku službu dali je zastava Hrvatskog naroda zakonom zabranjena u Bosni i Hercegovini

Selvedin Lelak - nezavisni vijećnik

1. Roditelji djece koja pohađaju nastavu u JU.O.Š.Voljevac u Voljevcu pitaju kada će konačno biti zamijenjen krov na istoj školi jer je dosadašnji opasan po zdravlje ?
2. Po ugledu na neke druge općine, ima li naša općina u planu uvesti neke pogodnosti za mlade bračne parove pri kupovini svoje prve nekretnine (kuće, stana) ?

Edin Gekić - BH Blok

1. Kada općinska nadležna služba planira rekonstrukciju stadiona u MZ Batuša ?
2. Mještani MZ Grnica pitaju kada će se u zaseoku Šehići izmijeniti stare drvene bandere koje su postale opasnost po mještane ?
3. Kada općinska nadležna služba planira rekonstrukciju ulice Odvođe koja se proteže uz Odvođe I,II,III tj. MZ Batuša?

Ad. 2.

Usvajanje Zapisnika sa 7. sjednice Općinskog vijeća Gornji Vakuf-Uskoplje

Diskusije:-

Zapisnik sa 7. sjednice Općinskog vijeća Gornji Vakuf-Uskoplje usvojen jednoglasno („22“)

Ad. 3.

Izveštaj o izvršenju budžeta Općine Gornji Vakuf-Uskoplje za period od 01.01. do 30.09.2021.godine

Milić N.-ispred predlagača

- Dao je kratko obrazloženje Izveštaja o izvršenju budžeta Općine Gornji Vakuf-Uskoplje za period od 01.01. do 30.09.2021.godine

Diskusije:

Jurina D.- ispred komisije za budžet i finansije

- Komisija za budžet i finansije i ekonomska pitanja je na svojoj sjednici održanoj 09.11.2021. godine, razmatrala je Izveštaj o izvršenju budžeta općine Gornji Vakuf-Uskoplje za razdoblje od 01.01. do 30.09.2021.godine, komisija daje pozitivno mišljenje o Izveštaju o izvršenju budžeta općine Gornji Vakuf-Uskoplje za razdoblje od 01.01. do 30.09.2021.godine.

Batinić G.- predsjednik OV-a

- Dajem na glasanje slijedeći Zaključak: *Prihvata se Izveštaj o izvršenju budžeta Općine Gornji Vakuf-Uskoplje za period od 01.01. do 30.09.2021.godine*

Zaključak o Izveštaju o izvršenju budžeta Općine Gornji Vakuf-Uskoplje za period od 01.01. do 30.09.2021. godine usvojen sa većinom glasova (18 „za“, 4 „suzdržana“, 0 „protiv“)

Ad. 4.

Nacrt Budžeta Općine Gornji Vakuf-Uskoplje za 2022.godinu

Milić N.-ispred predlagača

- Dao je kratko obrazloženje Nacrta Budžeta Općine Gornji Vakuf-Uskoplje za 2022.godinu

Diskusije:

Jurina D.- ispred komisije za budžet i finansije

- Komisija za budžet i finansije i ekonomska pitanja je na svojoj sjednici održanoj 09.11.2021. godine, razmatrala je Nacrt Budžeta Općine Gornji Vakuf-Uskoplje za 2022.godinu, komisija daje pozitivno mišljenje na Nacrt Budžeta Općine Gornji Vakuf-

Uskoplje za 2022.godinu

Krajina M.-komisija za statut i propise

- Komisija ima jedan prijedloga da se ove dvije odluke usklade kada je u pitanju datum stupanja na snagu, tj. Nacrt budžeta i Izvršenje budžeta, negdje stoji *osmog dana* a negdje *od dana objavljivanja*, treba ih uskladiti.

Hajrić A.-BH Blok

- Ekonomskim kod 614 300-transfer neprofitnim organizacijama; ovdje bi trebalo uvrstiti i Udruženje penzionera Gornji Vakuf-Uskoplje
- Prošle godine je koliko znam 117 penzionera umrlo a bili su članovi udruženja, znamo da su veliki troškovi sahrane i znamo da su penzioneri jedna od najugroženijih vrsta u BiH, pa tako i u Gornjem vakufu-Uskoplju.
- Interesuje me da li je u ovom budžetu planirana rekonstrukcija puta Zanesovići-Bojska

Batinić G.-predsjednik OV-a

- Prije samog glasanja o Nacrtu Budžeta Općine Gornji Vakuf-Uskoplje za 2022.godinu želim napomenuti da se shodno članu 81. Poslovnika o radu OV-a Gornji Vakuf-Uskoplje, ovaj Prijedlog donosi dvotrećinskom većinom vijećnika, uključujući natpolovičnu većinu vijećnika jednog i drugog naroda
- Sada dajem na glasanje slijedeći Zaključak: *Prihvata se Nacrt Budžeta Općine Gornji Vakuf-Uskoplje za 2022.godinu kao dobra osnova za izradu Prijedloga budžeta općine, te utvrđuje obaveza predlagaču da provede Javnu raspravu, te da na osnovama Nacrta Budžeta općine, primjedbi i sugestija vijećnika i drugih diskutanata sa ove sjednice Vijeća, primjedbi i sugestija sa provedene Javne rasprave, utvrdi konačan prijedlog Budžeta Općine Gornji Vakuf-Uskoplje za 2022. godinu i dostavi ga za prvu narednu sjednicu Općinskog vijeća Gornji Vakuf-Uskoplje.*

Zaključak o Nacrtu Budžeta Općine Gornji Vakuf-Uskoplje za 2022.godinu usvojen sa većinom glasova (17 „za“, 4 „suzdržana“)

Ad. 5.

Nacrt Odluke o izvršenju budžeta Općine Gornji Vakuf-Uskoplje za 2022.godinu

Milić N.-ispred predlagača

- Dao je kratko obrazloženje Nacrta Odluke o izvršenju budžeta Općine Gornji Vakuf-Uskoplje za 2022.godinu

Diskusije:

Jurina D.- ispred komisije za budžet i finansije

- Komisija za budžet i finansije i ekonomska pitanja je na svojoj sjednici održanoj 09.11.2021. godine, razmatrala je Nacrt Odluke o izvršenju budžeta Općine Gornji Vakuf-Uskoplje za 2022.godinu, komisija daje pozitivno mišljenje na Nacrt Odluke o izvršenju budžeta Općine Gornji Vakuf-Uskoplje za 2022.godinu

Batinić G.-predsjednik OV-a

- Prije samog glasanja o Nacrtu Odluke o izvršenju budžeta Općine Gornji Vakuf-Uskoplje za 2022.godinu, želim napomenuti da se shodno članu 81. Poslovnika o radu OV-a Gornji Vakuf-Uskoplje, ovaj Nacrt Odluke o izvršenju budžeta Općine Gornji Vakuf-Uskoplje za 2022.godinu donosi dvotrećinskom većinom vijećnika, uključujući natpolovičnu većinu vijećnika jednog i drugog naroda
- Sada dajem na glasanje slijedeći Zaključak: *Prihvata se nacrt Odluke o izvršenju budžeta Općine Gornji Vakuf-Uskoplje za 2022. godinu, kao dobra osnova za izradu prijedloga Odluke o izvršenju budžeta općine, te se utvrđuje obaveza predlagaču da provede Javnu raspravu i da na osnovama nacrta Odluke izvršenju budžeta općine, primjedbi i sugestija vijećnika i drugih diskutanata sa ove sjednice Vijeća, primjedbi i sugestija sa provedene Javne rasprave, utvrdi konačan prijedlog Odluke o izvršenju budžeta Općine Gornji Vakuf-Uskoplje za 2022. godinu i dostavi ga za prvu narednu sjednicu Općinskog vijeća Gornji*

Nacrt Odluke o izvršenju budžeta Općine Gornji Vakuf-Uskoplje za 2022.godinu usvojen sa većinom glasova (17 „za“, 4 „suzdržana“)

Ad. 6.

Informacija o funkcionisanju mjesnih zajednica Općine Gornji Vakuf-Uskoplje u 2021. godini

Šišić S.-ispred izvjestioca

- Dao je kratko obrazloženje Informacije o funkcionisanju mjesnih zajednica Općine Gornji Vakuf-Uskoplje u 2021. godini

Diskusije:

Šupčić N.-ispred komisije za MZ

- Komisija za mjesne zajednice je na svojoj sjednici održanoj 10.11.2021. godine, razmatrala je Informaciju o funkcionisanju mjesnih zajednica Općine Gornji Vakuf-Uskoplje u 2021. godini, komisija daje pozitivno mišljenje na Informaciju o funkcionisanju mjesnih zajednica Općine Gornji Vakuf-Uskoplje u 2021. godini

Crnica K.-BH Blok

- U ovoj Informaciji o funkcionisanju mjesnih zajednica Općine Gornji Vakuf-Uskoplje u 2021. godini kao što ste naveli imamo samo tehničke stvari, o čemu odlučuju, koji prostor zauzimaju i koje odluke donose.
- Nemamo nijedan konkretan primjer mjesne zajednice, njihovih problema, ustvari imamo neke prijedloge koji se tiču pririteta u tim mjesnim zajednicama koji bi trebalo da se urade.
- Imamo ekonomski kod 614 116-tekući transferi općinama-mjesne zajednice; tu imamo 125.000,00 KM na raspolaganju
- Imamo neke mjesne zajednice koje su „podobnije“ i neke koje su „nepodobnije“, imamo MZ Gornji Vakuf-Uskoplje 1 sa kojom nema nikakvog kontakta, predsjednik MZ se totalno ignoriše, znam da je više dopisa uputio prema općini i nekih projekata nego sve ostale mjesne zajednice.
- Prilikom provođenja izbora u mjesnim zajednicama mještani tih mjesnih zajednica nisu pravovremeno upoznati o provođenju izbora (plakati za izbore u MZ Odvode-Batuša-Krupa provedeni u petak a plakati su poljepljeni po mjesnoj zajednici u subotu)
- U nekim slučajevima se dešava da se preskaću Savjeti mjesnih zajednica, radi se sa pojedinim udruženjima (MZ Bistrica) a neradi se izabranim predstavnicima mjesnih zajednica.
- Trebamo vidjeti ko su predstavnici mjesnih zajednica i sa njima treba raditi, trebaju nam udruženja građana ali nam rukovodstva mjesnih zajednica trebaju biti prioriteta u radu.

Batinić G.-predsjednik OV-a

- Dajem na usvajanje sljedeći Zaključak o Informaciji o radu i funkcionisanju mjesnih zajednica Općine Gornji Vakuf-Uskoplje u 2021. godini: *Prihvata se Informacija o funkcionisanju mjesnih zajednica Općine Gornji Vakuf-Uskoplje u 2021.godini*

Zaključak o Informaciji o radu i funkcionisanju mjesnih zajednica Općine Gornji Vakuf-Uskoplje u 2021. godini usvojen sa većinom glasova (18 „za“, 2 „suzdržana“, 1 „protiv“)

Ad. 7.

Informacija o stanju sporta i kulture na području Općine Gornji Vakuf-Uskoplje za 2021. godinu

Matijanić B.-ispred izvjestioca

- Dao je kratko obrazloženje o Informaciji o stanju sporta i kulture na području Općine Gornji Vakuf-Uskoplje za 2021. godinu

Diskusije:

Karahodžić A.-ispred komisije za društvene djelatnosti

- Komisija za društvene djelatnosti je na svojoj sjednici održanoj 08.11.2021. godine razmatrala Informaciju o stanju sporta i kulture na području Općine Gornji Vakuf-Uskoplje, komisija daje pozitivno mišljenje o Informaciji o stanju sporta i kulture na području Općine Gornji Vakuf-Uskoplje

Karahodžić A.-SDA

- Smatram da postoji jedna hiper produkcija sportskih klubova na području općine Gornji Vakuf-Uskoplje, 27 klubova je veliki broj, to je u svakom slučaju pozitivno ali kada gledamo sa ekonomske strane to je jedan širok dijapazon klubova koje treba finansijski pomoći i sufinansirati.
- Iskristila bih priliku da pohvalim Općinu kao i Općinskog načelnika koji su bez obzira na veliki broj klubova našao način i sufinansirao, pomogao i dao podršku svim tim klubovima.
- Mislim da bi bilo dobro ako bi se u budućnosti pojedini klubovi ujedinili iz nekih logičkih razloga to bi bilo pametno za ubuduće.

Batinić G.-predsjednik OV-a

- Dajem na usvajanje sljedeći Zaključak o Informaciji o stanju sporta i kulture na području Općine Gornji Vakuf-Uskoplje: *Prihvata se Informacija o stanju sporta i kulture na području Općine Gornji Vakuf-Uskoplje za 2021. godinu*

Zaključak o Informaciji o stanju sporta i kulture na području Općine Gornji Vakuf-Uskoplje za 2021. godinu usvojen sa većinom glasova (18 „za“, 3 „suzdržana“, 0 „protiv“)

Ad. 8.

Informacija o stanju u oblasti prostornog planiranja i građenja na području Općine Gornji Vakuf-Uskoplje za 2020. godinu

Milanović A.-ispred izvjestioca

- Dao je kratko obrazloženje Informacije o stanju u oblasti prostornog planiranja i građenja na području Općine Gornji Vakuf-Uskoplje za 2020. godinu

Diskusije:

Zahirović A.-ispred komisije za prostorno planiranje, uređenje i ekologiju

- Komisija za Prostorno planiranje, uređenje i ekologiju je na svojoj sjednici održanoj 09.11.2021. godine razmatrala je Informaciju o stanju u oblasti prostornog planiranja i građenja na području Općine Gornji Vakuf-Uskoplje za 2020. godinu, te daje pozitivno mišljenje na Informaciju o stanju u oblasti prostornog planiranja i građenja na području Općine Gornji Vakuf-Uskoplje za 2021. godinu
- Komisija sugeriše Općinskoj upravi da pri izradi prostorno planskih dokumenata kantona i Općine u obzir uzme potrebu razvoja turizma na planinama Vranica i Raduša zbog velikog značaja za našu općinu.

Krajina M.-ispred komisije za Statut i propise

- Komisija ima jednu primjedbu odnosno sugestiju vezano za broj akta, dobro bi bilo da ovdje neide „SI“ da se dodijeli broj obzirom da je ovo službeni akt i da ide u arhivu, ubuduće da idemo sa brojem ovoga akta.

Krajina M.-HL

- Ovdje je navedeno da posjedujemo Urbanistički plan koji je donesen 1976. godine koji se nije nikada mijenjao i on je pravno važeći.
- Na jednoj od prethodnih sjednica smo donijeli odluku o stavljanju van snage dva Regulacijska plana

- Dobro bi bilo da se razmišlja o izradi novih Strateških dokumenata, znamo da to finansijski košta, da u budućnosti donesemo novi revidirani Prostorni plan općine, a samim tim da Općinsko vijeće kasnije ide u donošenje Odluke o izradi Regulacionih planova, znamo svi kakva nam je situacija kad je ta oblast u pitanju.

Batinić G.-predsjednik OV-a

- Dajem na usvajanje sljedeći Zaključak o Informaciji o stanju u oblasti prostornog planiranja i građenja na području Općine Gornji Vakuf-Uskoplje za 2020.godinu: *Prihvata se Informacija o stanju u oblasti prostornog uređenja i građenja na području Općine Gornji Vakuf-Uskoplje za 2020.godinu, Službe za urbanizam, građevinarstvo i prostorno planiranje Općine Gornji Vakuf-Uskoplje*

Zaključak o Informaciji o stanju u oblasti prostornog planiranja i građenja na području Općine Gornji Vakuf-Uskoplje za 2020. godinu usvojen sa većinom glasova (18 „za“, 3 „suzdržana“, 0 „protiv“)

Ad. 9.

Prijedlog Odluke o visini zakupnine stambenih jedinica izgrađenih u okviru Projekta „Regionalni stambeni program RSP – Pod-projekat BH 6“

Šišić S- ispred izvjestioca

- Dao je kratko obrazloženje Prijedloga Odluke o visini zakupnine stambenih jedinica izgrađenih u okviru Projekta „Regionalni stambeni program RSP – Pod-projekat BH 6“

Diskusije:

Gekić E.-BH Blok

- Kada je u pitanju ova Odluka o visini zakupnine stambenih jedinica izgrađenih u okviru Projekta „Regionalni stambeni program RSP – Pod-projekat BH 6“, znamo da je to socijalni objekat, socijalnog karaktera, znamo da su to ljudi koji nisu u mogućnosti da plaćaju jednu konvertibilnu marku po m², BH Blok bi predložio da se ide sa nekom minimalnom cijenom od jednog pfeninga po m².

Batinić G.-predsjednik OV-a

- Kolega samo ću Vas podsjetiti da je Odluka u formi Prijedloga i nemožemo amandmanski djelovati na samoj sjednici, trebalo je dostaviti amandmane tri dana prije održavanja sjednice vijeća na osnovu Poslovnika.

Šišić S- ispred izvjestioca

- Što se tiče ove cijene od jedne konvertibilne marke po m², to nije napamet urađeno, imamo preporuke od nadležnih ministarstava da se cijena treba kretati od 0,80 do 1,20 KM po m².
- Većina njih ima neka primanja, dali su penzije ili nešto drugo, također ima Odluka o subvencioniranju za sve one koji ne mogu platiti zakupninu.

Prijedlog Odluke o visini zakupnine stambenih jedinica izgrađenih u okviru Projekta „Regionalni stambeni program RSP – Pod-projekat BH 6“ usvojen jednoglasno (21 „za“)

Sjednica završena u 10⁴⁸ sati.

SEKRETAR
Prijić Senad

ZAPISNIČAR
Redžić Hidajet

PREDSJEDNIK OPĆINSKOG VIJEĆA
Batinić Goran